


ANG DUHA KA DALAN



ANG PAGPILI SA DALAN

Kung kita mosugod pagpanaw paingon ngadto sa usa ka dapit nga wala pa nato masinati, gikinahanglan gayud ang pag-usisa sa hustong dalan nga angay'ng subayon. Sa diha nga magalakaw na kita, ato gayung tan-awon o sutaon ang padulngan, ug sa masayran ta nga masalaag na kita ngadto sa dili husto nga dalan, molingi kita sa atong palibut aron sa pagpangita sa hustong alagi-anan.

Matag adlaw ikaw ug ako magalakaw agi niining kalibutana padulong ngadto sa eternidad, nianang pagpanaw nga walay kinutuban, ug wala nay pagkabalhin kon ikaw makaabut na didto. Nahibalo ba ikaw kon asa ikaw padulong?

ANG LIBRO NGA ATONG GIYA

Ang Dios, sa Iyang daku nga gugma ug kalooy kanato, nagabilin sa Biblia ingon nga atong giya. Kini nagapahayag gayud sa tin-aw nga paagi kon unsaon ta nga mahasubay kita sa dalan paingon

sa langit. Kining gamay nga basahon ang mga pulong niini kinutlo gayud gikan sa Biblia. "Ang imong pulong maoy lamparahan sa akong mga tiil, ug kahayag sa akong alagi-anan" (Salmo 119:105).

ANG HALAPAD NGA DALAN

Niining dalana daghang mga katawhan ang nanag-agi. "Daku ang pultahan ug sangkad ang dalan nga padulong sa kapildihan, ug daghan ang nagasulod agi niini" (Matt. 7:13).

Kadaghanan kanila daw sa piniyong ang ilang mga mata. Wala sila manghibalo o magtagad, nga diay nagalakaw na sila sa dalan padulong sa kalaglagaan. "Adunay usa ka dalan nga daw matarung alang sa usa ka tawo, apan ang katapusan niana mao ang mga dalan sa kamatayon" (Prov. 14:12). "Sa ilang pagkabutang, ang mga hunahuna sa mga dili magtotoo gibutaan sa dios niining kalibutana (ang yawa) aron sila dili makakita sa kahayag sa Maayong Balita sa himaya ni Cristo nga mao ang dagway sa Dios"

(2 Cor. 4:4).

ANG MGA LULAN

Kining mga lulan nga nagalandong sa mga pagpakasala, ginapas-an kini sa mga katawhan nga nagasubay niining daku ug sangkad nga dalan. "Ang tanan nagpakasala ug nawad-an sa himaya sa Dios" (Rom 3:23). Dili kita makatago sa atong mga sala, atubangan sa Dios. "Kay ang tawo nagatan-aw sa panag way sa gawas, apan ang Dios nagatan-aw sa Kasingkasing" (1 Sam. 16:7).

Kining mga lulan nga mao ang mga sala sama sa mga kadena nga nagapus sa ilang mga lawas. Ikaw ug ako dili gayud makalingkawas gikan niini, bisan pa pinaagi sa atong kaugalingong paningkamot. Ang lulan nagakabug-at samtang nagairog ang panahon, ug "Ang bayad sa sala mao ang kamatayan" (Rom 6:23).

ANG KILAT

Ang kilat nga imong nakita nagahulagway sa hukom sa Dios. "Ug maingon nga ang tawo ginabut-an nga mamatay sa makausa ra ug tapus niana mao ang hukom" (Heb. 9:27). "Ug unya nakita ko ang usa ka dakung trono nga maputi ug ang naglingkod niini, gikan sa kang kinsang atubangan ang yuta ug ang kalangitan nanagpangalagiw, ug walay dapit nga hingkaplagan alang kanila. Ug nakita ko ang mga patay, mga dagko ug mga gagmay, nga nanagtindog sa atubangan sa trono, ug dihay mga basahon nga gipamuklad. Usab dihay laing basahon nga gibuklad, nga mao ang basahon sa kinabuhi. Ug ang mga patay gipanaghukman pinasikad sa nahisulat sa mga basahon, pinasikad sa ilang mga binuhatan. Ug kon ang ngalan ni bisan kinsa dili makaplagan nga nahisulat diha sa basahon sa kinabuhi, siya itambog ngadto sa linaw nga kalayo" (Pin. 20:11,12,15).

ANG KALAYO

Ang Dios balaan ug matarung. Tungod niini nag-andam Siya ug impierno alang niadtong mga tawo nga dautan ug nga nagasupak sa Iyang kabubutan. "Ang dautang tawo iadto sa impierno. Maingon man usab sa tanang nasud nga nahikalimot sa Dios" (Salmo 9:17).

Ang Dios dili lamang balaan kon dili gugma usab Siya. "Dili Niya buot nga adunay mangawala kon

dili nga ang tanan modangat sa paghinulsol" (2 Ped. 3:9). Ang Dios tungod sa Iyang daku nga gugma ug kalooy, naghatag Siya ug kahigayonan alang niadtong nagakinahanglan ug kaluwasan. Buot ka bang mahibalo sa dalan sa kinabuhi?

ANG DALAN SA KINABUHING DAYON. ANG MANLULUWAS.

Ug kay dili man kita makaipsot sa silot tungod sa atong pagkamakasala, ang Dios naghatag kanato ug Manluluwas. "Kay gihigugma sa Dios ang kalibutan nga sa pagkaagi nga Iyang gihatag ang Iyang bugtong Anak, aron nga ang tanan nga motoo; Kaniya dili mawala kon dili may kinabuhi nga walay katapusan" (Juan 3:16).

Ang Dios nga mao ang langitnong Amahan, nagpadala nganhi sa kalibutan sa Iyang bugtong Anak nga mao si Ginoong Jesuscristo, aron sa pagpadayag sa kaayo ug sa pagkamatarung sa Dios. Si Jesuscristo nagpuyo ingon ug tawo, apan putli ug balaan, ug walay sala. Nagpakita Siya sa tumang kaayo ngadto sa mga katawhan. Iyang giayo ang mga masakiton, gihinloan ang sanlahon, naghingilin sa mga dautang espirito, nagpasaylo niadtong makasala nga naghinulsol, ug nagtudlo sa mga katawhan, mahitungod sa Dios.

Apan labaw sa tanan, ang Iyang tuyo mao ang pagpakamatay, ingon nga halad alang sa tanan. Iyang gihatag ang balaan ug putli Niyang kinabuhi, nagpaula sa Iyang bililhong dugo, aron sa pagbayad sa silot sa atong kalapasan. Gitugotan Niya ang mga dautang tawo sa pagbiaybiay ug pagbugalbugal, hangtud nga nagkadugo ang Iyang lawas sa mga pangos ug mga samad, gumikan sa ilang mga pagdagmal. Wala pa gayud matagbaw ang mga dautang tawo, gikoronahan nila Siya sa tunokon nga korona, gipugos sa pagpapas-an sa mabug-at nga krus hangtud gilansang Siya niini. Ug didto ibabaw sa krus nagbitay Siya nga nag-antus sa hilabihan nga kasakit. "Siya gayud mao ang midala sa atong mga sala diha sa Iyang lawas ngadto sa kahoy, aron kita mabuhi ngadto sa pagkamatarung. Pinaagi sa Iyang mga samad kamo nangaayo" (1 Ped. 2:24). Nagpakamatay Siya alang kanimo ug kanako.

ANG IYANG PAGKABANHAW

Pagkatapus sa tulo ka adlaw sa lubnganan, Si Jesus nabanhaw gikan sa mga minatay. Siya usab nakigsulti sa Iyang mga tinun-an, unya pagkatapus sa kap-atan ka adlaw, Siya mingkayab sa langit

unya naglingkod sa tuong kamot sa Dios Amahan. Si Jesus ang nabuhing Manluluwas diha Kaniya ang tanang gahum sa langit ug sa yuta. "Busa, sa tanang panahon, Siya arang makaluwas sa mga moduol sa Dios pinaagi Kaniya, sanglit buhi man Siya sa kanunay aron sa pagpangamuyo alang kanila" (Heb. 7:25).

ANG LANGIT

Ang langit maoy usa ka dapit diin ang Dios nagpuyo tugob sa Iyang himaya. Ang Ginoong Jesus naga-ingon, "Sa balay sa akong Amahan ana-ay daghang puy-anan, kon dili pa, moingon ba unta ako kaninyo nga moadto ako aron sa pag-andam ug luna alang kaninyo? Ug sa mahiadto na ako ug makaandam na akog luna alang kaninyo, maonhi ako pag-usab ug pagadawaton ko kamo nganhi uban kanako, aron nga diin gani ako atua usab kamo" (Juan 14:2,3).

Ang langit maoy usa ka dapit nga balaan, "Apan dinhi niini walay bisan usang mahugaw nga pasudlon, ni ang nagabatan sa malaw-ay o sa pagpamakak, kon dili sila laman nga nahisulat diha sa basahon nga Iya sa Cordero, sa basahon sa kinabuhi" (Pin. 21:27).

Apan adunay usa laman ka dalan paingon sa langit. Ang Ginoong Jesus nag-ingon, "Ako ang dalan, ug ang kamatuoran ug ang kinabuhi, walay bisan kinsa nga makaadto sa Amahan, gawas kon pinaagi kanako" (Juan 14:6). "Ug walay kaluwasan pinaagi kang bisan kinsa pa nga lain, kay walay bisan unsa pang lain nga ngalan sa silong sa langit, nga gikahatag ngadto sa mga tawo, nga pinaagi niini maluwas kita" (Buhut 4:12).

UNSAON NATO NGA MAHISUBAY KITA SA DALAN PAINGON SA LANGIT.

1. "Paghinulsol kamo ug tumoo kamo sa Maayong Balita" (Markos 1:15). Ang paghinulsol maoy pagbiya sa sala, ug moduol sa Dios uban sa bug-os nga kasingkasing.

2. Domuol ka kang Ginoong Jesucristo, diha sa mga pag-ampo, ingon nga nabug-atan ikaw sa sala ug pangayo Kaniyag pasaylo. Naga-ingon Siya, "Ang tanan nga gihatag kanako sa Amahan moari gayud kanako ug siya nga moari kanako dili ko gayud isalikway" (Juan 6:37). "Umari kamo kanako, kamong tanan nga nabudlay ug nabug-atan, ug papahulayon ko kamo" (Matt. 11:28).

3. Salig diha laman kang Cristo alang sa imong kaluwasan. "Ug ang dugo ni Jesus nga Iyang Anak nagahinlo kanato gikan sa tanang sala" (1 Juan 1:7).

4. Siya mohatag kanimong ug bag-ong kinabuhi, kinabuhing dayon. Si Cristo nag-ingon, "nga ang nagapatalinghug sa akong pulong ug magatuo kaniya nga nagapadala kanako, may kinabuhi nga dayon, siya dili pagahukman, hinonoa nabalhin na siya gikan sa kamatayon ngadto sa kinabuhi" (Juan 5:24). "Busa kon ang tawo anaa kang Cristo, siya bag-o nang binuhat, ang daang mga butang nanagpangagi na, tan-awa ang bag-ong mga butang nahiabut na" (2 Cor. 5:17).

5. Ikaw adunay kalinaw ug kasiguroan. "Busa, sanglit namatarung man kita pinaagi sa pagtoo, kita may pakigdinaitay na sa Dios pinaagi sa atong Ginoong Jesucristo" (Rom. 5:1). "Ug ang pagmatuod mao kini, nga kita gihatagan sa Dios ug kinabuhing dayon ug kining kinabuhi-a diha sa Iyang Anak. Ang nakapanag-iya sa Anak, may kinabuhi, apan ang wala makapanagiya sa Anak, walay kinabuhi. Kining mga butanga gisulat ko kaninyo nga nanagpanoo sa ngalan sa Anak sa Dios, aron kamo masayud nga kamo nakapanag-iya na sa kinabuhing dayon" (1 Juan 5:11,12,13).

UNSAON PAGPUYO DIHA SA BAG-ONG KINABUHI

1. Basahon ang Biblia kanunay. Gawas nga kini iwag sa atong dalan, kalan-on usab kini sa atong kalag. "Ug sama sa mga bata nga bag-o pang nahimugso, tinguhaa ninyo ang espirituhanong gatas nga walay sambog, aron nga pinaagi niini kamo managtubo ngadto sa kaluwasan" (1 Ped. 2:2). Pangayoa sa Dios, pinaagi sa Iyang Balaan nga Espirito, ang paggiya ug pagtudlo kanimong sa diha nga magbasa ka sa Biblia.

2. Paduol kanunay sa Dios diha sa mga pag-ampo, pinaagi sa ngalan ni Ginoong Jesus. "Ayaw kamo ka balaka mahitungod sa bisan unsang butang, hinonoa sa tanang butang ipahibalo ninyo sa Dios ang inyong mga pag-ampo ug sa pagpangamuyo uban sa pagpasalamat. Ug ang kalinaw sa Dios, nga labaw sa tanang panabot, magabantay sa inyong kasingkasing ug sa inyong mga hunahuna diha kang Cristo Jesu" (Fil. 4:6,7).

3. Magasangyaw ka ngadto sa uban mahitungod kang Cristo. "Pumauli ka sa imong balay ngadto

sa imong kahigalaan. Ug isugilon mo kanila unsa ka daku ang gihimo sa Ginoo alang kanimo" (Mar. 5:19).

4. Panahon sa tintasyon, tawag ug pakitabang sa Dios, "Kay maingon nga Siya gayud nakaantus man sa diha nga gitintal Siya, nan, makahimo Siya sa pagtabang kanila nga mga ginatintal" (Heb. 2:18).

5. Kon madalin-as ka ngadto sa sala, isugid dayon kini ngadto sa Dios "Kon isugid ta ang atong mga sala. Siya kasaligan ug makatarunganon nga tungod niana mopasaylo Siya sa atong mga sala ug magahinlo kanato gikan sa tanang dili pagkamatarunganon" (1 Juan 1:9).

6. Pakigsandurot sa imong mga kaigso-onan diha sa atong Ginoong Jesucristo. "Mao kini ang akong sugo, nga kinahanglan maghigugmaay kamo ang usa sa usa sama sa akong paghigugma kaninyo"


(Juan 15:12).

7. Sunda kanunay ang Dios. "Kon kinsa ang nahigugma kanako, iyang pagabantayan ang akong pulong" (Juan 14:23).

8. Ayaw kahadlok tungod kay si Cristo magauban kanimo, "Kay Siya gayud mao ang nag-ingon, dili ko gayud ikaw paghikabsan ni pagabiyaan" (Heb. 13:5).

9. Itugyan ang tibuok nimong kinabuhi ngadto kang Ginoong Jesucristo. Tugoti nga Siya makamando sa imong kinabuhi sumala sa Iyang kabubut-on. Diha sa maong paagi makaplagan mo ang matuod nga kalipay.

Ang Ginoong Jesucristo mao lamang ang bugtong ug completo nga Manluluwas, ug diha Kaniya, matagbo ang tanan mong kinahanglan.



The popular "Heart Book" with its soul-saving message is obtainable in over 500 languages. Many have found salvation even just by looking at the pictures.

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

E-MAIL: info@angp.co.za

ALL NATIONS GOSPEL PUBLISHERS

P.O. Box 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)